

2020-mi akileraarutitigut naligiissaanissaq aamma kommuninut ataatsimut akileraarutitip agguataarneqarnissaa pillugit Namminersorlutik Oqartussat nalunaarutaat nr. 12, 9. oktober 2019-imeersoq

Akileraaruserinermik ingerlatsineq pillugu Inatsisartut inatsisaanni nr. 11, 2. november 2006-imeersumi, kingullermik Inatsisartut inatsisaatigut nr. 11, 1. juni 2017-imeersukkut allangortinneqartumi § 41 aamma § 42, imm. 2 naapertorlugit aalajangersarneqarput:

§ 1. Kommunini inummut ataatsimut agguaqatigiissitanik akileraarutitigut isertitat assigiingissutaasa naligiissarneqarnissaannut aammalu kommuninut ataatsimut akileraarutitip agguataarneqarnissaanut kommunit ataani taaneqartut 2020-mi tapiissuteqarfigineqassapput:

- 1) Kommune Kujalleq: kr. 117.524.000.
- 2) Kommuneqarfik Sermersooq: kr. 41.220.000.
- 3) Qeqqata Kommunia: kr. 110.405.000.
- 4) Avannaata Kommunia: kr. 186.900.000.
- 5) Kommune Qeqertalik: kr. 146.842.000.

Imm. 2. Tapiissutit landskarsimiit akileraarutitigut qaammatini tamani 1/12-imik qaammatinut ataasiakkaanut tapiissutinut agguagassanut tapertaliullugit.

§ 2. 2018-imi kommuninut ataatsimut akileraarummit agguataagassaapput kr. 555.000.000 kiisalu iluarsiiisutit, takuuk imm. 3, ukiuni 1987-imit 2015 ilanngullugu kr. -2.603.000, 2016-imit kr. -2.797.000, 2017-imit kr. 24.330.000, 2018-imiillu kr. 28.961.000, katillugit kr. 602.891.000.

Imm. 2. Kommuninut ataatsimut akileraarut nuna tamakkerlugu akileraarutitip akilersorneqartarneratut Nunatta Karsimut akilersorneqartassaaq.

Imm. 3. Kommuninut ataatsimut akileraarummit isertitat imm. 1-imi kisitsimmit aalajangerneqarsimasumit allaaneruppata nikingassut ukiumi tulliuttumi kommuninut ataatsimut akileraarutitip agguataarneqarnerani iluarsiiisutigineqassaaq.

§ 3. Nalunaarut 1. januar 2020-mi atuutilerpoq.

Namminersorlutik Oqartussat, ulloq 9. oktober 2019


Vittus Qujaukitsog

/


Nikolai S. Christensen